

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 23 (1932)

Rubrik: Rapport dell' Uniun romontscha dil Plaun

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 22.01.2025

ETH-Bibliothek Zürich, E-Periodica, <https://www.e-periodica.ch>

can. Dr. Cahannes, mistral G. Demont, Sur prof. Aug. Giger, mistral B. Capaul. —

L'ulteriura part hilarica ella casa della posta denter activs e passivs ei vegnida prolongida entochen mesa notg.

Suenter il Requiem ed edificont riug de Sur G. B. Sialm ein ils commembers seradunai ella Posta per las usitadas tractandas. — (Il necessari porscha cheu il protocol). El niev comite ein vegni elegi pigl onn 31/32: pres.: Emanuel Huonder cand. jur; Vice: Victor Cavelti, cand. med. dent; actuar: Gieri Arpagaus, cand. theol. Commembers honoraris: Sur Gion Cadieli, Trun, e Sgr. Dr. Gion Jeger Razen. —

La proxima radunonza 1932 ei prevedida per Trun, mo vegn tenuta a Glion per motivs de combinaziun cun ina fiasta populara gl'onn 1933 a Trun.

Igl actuar: *Gieri Arpagaus*, cand. theol.

Rapport dell'Uniun romontscha dil Plaun

Ins fa ils davos diesch onns gronds e remarquabels sforzs per mantener castials decadents e vegls casaments, monuments venerabels d'in temps vargau. Tals monuments historics ein: il casti de Mesauc, il casti de Razen, il casti dil Munt s. Gieri ed en nos dis la veglia cuort claustrala a Trun. Sch'igl ei bi e dueivel de preservar quels edificis historics dalla totala ruina e decadenza, lu eis ei bein nossa obligaziun de salvar e mantener

in auter monument historic: il lungatg romontsch ch' ei e resta l' expressiun e la perdetga la pli viva e la pli vera de tut quei che nos cars perdavons han fatg e patertgau, sentiù e pitiu.

Per salvar e cultivar il vegl lungatg vernachel els Plauns de su e de sut ei l' entschatta de november 1921 l' Uniun romontscha dil Plaun vegnida fundada. Ella compeggia las secziuns romontschas de Domat, Panaduz e Razen che sesprovan de defender eifer lur circuit il periclitau intschess romontsch. L' Uniun romontscha dil Plaun ei aunc giuvna, ella sto combatter biaras e grondas difficultads, ella ha de surventscher vegls ed enragischai pregiudecis ch' ina scola dil tuttafatg indifferenta enviars il lungatg della tiara ha plantau el cor dil pievel.

L' activitad dell' Uniun rom. dil Plaun sere-strenscha per quei e per autras raschuns quasi exclusivamein a referats, vendita u distribuziun de litteratura romontscha. Nus relevein dal rapport pro 1931/32:

1. *Referats.* A Razen: Sur Dr. G. Cahannes, Giuanna d' Arc (referat cun projecziuns), ils 14 de fevrer 1932; Dr. G. Gadola, G. C. Muoth, igl 1 de matg 1932. A Panaduz: C. A. Bieler, Ils numms dellas schlatteinas spari a Panaduz, ils 17 de schaner 1932. A Domat: Dr. G. Federspiel, Ord la historia dil casti «Amedes» etc. ils 14 de fevrer 1932; S. M. Nay, L' elecziun della clamada, ils 19

de mars 1932. (Quest davos referat arranschaus dalla scola professionala de Domat).

2. *Litteratura*. Tschespet XI, Ovras de G. C. Muoth (emprema part). A Razen 40 exemplars, a Panaduz 30 exemplars, a Domat 70 exemplars. Quels tschespets ein vegni vendi ad in prezi fetg reduciu, per cheutras derasar las ovras de nies grond poet nazional denter il pievel dil Plaun.

3. *Instrucziun romontscha*. Dr. Gadola ha compartgiu instrucziun romontscha als scolars della scola reala de Domat. (Per incumbensa della Ligia rom.).

4. *Teater*. Ils scolars della scola reala de Domat han dau il davos unviern cun bien success la representaziun dils Sogns Retgs da Rev. Sgr. Soler a Morissen.

Cuera, ils 22 de nov. 1932

Igl actuar: R. Vieli.

